

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), u vezi sa razmatranjem Informacije u vezi sa zaključivanjem ugovora sa pravnim subjektima vlasnicima objekata karantina, na području Zeničko-dobojskog kantona i stavom Federalnog ministarstva zdravstva po tom pitanju, Vlada Zeničko-dobojskog kantona, na 61. sjednici, održanoj dana 18.06.2020. godine, d o n o s i

ZAKLJUČAK

I.

Prima se na znanje Informacija Ministarstva zdravstva Zeničko-dobojskog kantona, koja je sastavni dio ovog zaključka.

II.

Zaključak stupa na snagu danom donošenja.

PREMIJER
po ovlaštenju

Mirnes Bašić

Broj: 02-_____ /20
Datum, 18.06.2020. godine
Z e n i c a

DOSTAVLJENO:

1x Ministarstvo zdravstva,
1x Federalno ministarstvo zdravstva, putem Ministarstva,
1x a/a

I N F O R M A C I J A

u vezi sa pravnom situacijom po pitanju zaključivanja ugovora sa pravnim subjektima vlasnicima objekata karantina na području Zeničko-dobojskog kantona i stavom Federalnog ministarstva zdravstva po pitanju zaključivanja ugovora

Zenica, juni 2020. godine

INFORMACIJA

Cilj Informacije je upoznati Vladu Zeničko-dobojskog kantona sa pravnom situacijom vezanom za zaključivanje ugovora sa pravnim subjektima vlasnicima objekata karantina na području Zeničko-dobojskog kantona i stavom Federalnog ministarstva zdravstva da će navedeni ugovor biti zaključen između Federalnog ministarstva zdravstva, odnosno Vlada FBiH, s jedne strane i Ministarstva zdravstva i Vlade Zeničko-dobojskog kantona, s druge strane.

U skladu sa Naredbom Kriznog štaba Federalnog Ministarstva zdravstva broj: 01-33-0547/20 od 03.02.2020. godine i dopisima Federalnog Ministarstva zdravstva broj: 01-33-1795/20 od 06.04.2020. godine i broj: 01-33-1795-1/20 od 11.04.2020. godine, na prijedlog Ministarstva zdravstva, Vlada Zeničko-dobojskog kantona donijela je Odluke o utvrđivanju prijedloga objekata za karantin na području Zeničko-dobojskog kantona broj: 02-33-5412/20 od 11.04.2020. godine, broj: 02-33-5414/20 od 12.04.2020. godine, broj: 02-33-5640/20 od 18.04.2020. godine i broj: 02-33-5842/20 od 24.04.2020. godine.

Federalni ministar zdravstva je u skladu sa članom 46. stav 3. Zakona o zaštiti stanovništva od zaraznih bolesti („Sl. novine FBiH“, broj: 29/05) donio rješenja kojim je odredio objekte karantina na području Zeničko-dobojskog kantona, a koja su u prilogu Informacije.

Ministarstvo zdravstva je aktom od 22.04.2020. godine, zatražilo od Federalnog ministarstva zdravstva da bez odlaganja izvrši zaključivanje ugovora o zakupu objekata karantina.

Ministarstvo zdravstva je 22.05.2020. godine dostavilo Federalnom ministarstvu zdravstva urgenciju za ugovorno regulisanje međusobnih odnosa između pravnih subjekata vlasnika karantina i Federalnog ministarstva zdravstva, nakon zaprimanja e-mail od strane Apartmana „Sjaj“ Maglaj od 21.05.2020. godine, iz kojeg se jasno vidi da je zaposlenica Federalnog ministarstva zdravstva Anamarija Magazinović (sa službenog e-mail), odgovorila na e-mail Apartmana „Sjaj“ Maglaj, da će Federalno ministarstvo zdravstva, odnosno Vlada FBiH, zaključiti ugovor sa Vladom Zeničko-dobojskog kantona, odnosno kantonalnim ministarstvom zdravstva, te da će sve informacije dobiti kada ugovori budu potpisani.

Posebno ističemo, da je Ministarstvo zdravstva pisanim aktima, koje dostavljamo u prilogu Informacije, ukazivalo Kriznom štabu Federalnog ministarstva zdravstva i Štabu civile zaštite FBiH, da je uvođenje zdravstvene mjere karantina, neopravdano i tražili preispitivanje Naredbe o uvođenju karantina, u čemu smo na kraju i uspjeli, jer su karantini ukinuti.

Informacijom ukazujemo na činjenicu da je Federalno ministarstvo zdravstva, propustilo provesti proceduru javne nabavke, odnosno pribavljanja ponuda za objekte karantina, čime bi se osigurala zakonitost i transparentnost u konkretnoj proceduri, zbog čega sada ne žele zaključiti pojedinačne ugovore, sa pravnim subjektima vlasnicima karantina.

Imajući u vidu navedeno ukazujemo na činjenicu da ne postoji pravni osnov za zaključivanje ugovora sa Vladom Zeničko-dobojskog kantona i Ministarstvom zdravstva Zeničko-dobojskog kantona, te u cilju rješavanja navedenog pitanja predlažemo da Vlada Kantona usvoji predloženi Zaključak kojim će Informaciju primiti na znanje. Ujedno predlažemo da Vlada Kantona zauzme stav u vezi sa zaključivanjem navedenog ugovora.

Prilog: kao u tekstu

Dostaviti:
1x Naslov,

MINISTAR

1x a/a

dr Adnan Jupić